



Food and Agriculture  
Organization of the  
United Nations



Implemented by

**giz** Deutsche Gesellschaft  
für Internationale  
Zusammenarbeit (GIZ) GmbH



# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

PARTNERSTVA ZA RODNU RAVNOPRAVNOST  
U VLASNIŠTVU I KONTROLI NAD ZEMLJIŠTEM

2020. GODINE

5.a.2  
INDIKATOR

# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

## TRANSFORMIŠEMO NAŠ SVIJET: AGENDA ZA ODRŽIVI RAZVOJ DO 2030. GODINE OBUHVATA 17 CILJEVA ODRŽIVOG RAZVOJA I 169 PODCILJEVA

Dvadesetpetog septembra 2015. godine 193 države članice UN-a usvojile su nove globalne ciljeve za narednih 15 godina na Samitu UN-a za održivi razvoj u Njujorku.

Agenda 2030 je postala glavna referenca za razvojne politike i programe na nacionalnom nivou.



### KO JE NADLEŽAN ZA PRAĆENJE INDIKATORA COR?

Agencije koje vode podatke nadležne su da preuzmu vođstvo u koordinaciji i usmjeravanju postupka praćenja i izvještavanja u ime drugih partnera i zainteresiranih strana.

*Metapodaci:* Komisija za statistiku UN-a objavila je metapodatke koje razmatraju/razvijaju agencije koje vode podatke za svih 17 ciljeva.

Metapodaci za indikatore u vezi sa zemljištem se mogu naći na sljedećim izvorima:

[COR 5.a.1](#)

[COR 5.a.2](#)

[COR 1.4.2](#)

ORGANIZACIJA ZA  
HRANU I POLJOPRIVREDU  
(FAO) JE AGENCIJA KOJA  
VODI PODATKE ZA 21  
INDIKATOR





## PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM



### PODCILJ 5.a

Sprovesti reforme kojima bi se ženama dala jednaka prava na ekonomske resurse, kao i pristup vlasništvu i kontroli nad zemljištem i drugom imovinom, finansijskim uslugama, nasljeđivanju i prirodnim resursima, u skladu sa nacionalnim zakonima.

Podcilj 5.a se mjeri pomoću dva indikatora: kvantitativni i kvalitativni indikator koji, kada se skupa mjere, omogućavaju zemljama da prate uticaj pravne reforme na vlasništvo i/ili kontrolu nad zemljištem od strane žena.

### INDIKATOR 5.a.1

Indikator 5.a.1: „(a) Procenat lica sa vlasničkim ili osiguranim pravima nad poljoprivrednim zemljištem (od ukupnog poljoprivrednog stanovništva), po polu; i (b) Udio žena među vlasnicima ili nosiocima prava nad poljoprivrednim zemljištem“, po tipu prava.

### INDIKATOR 5.a.2

Procenat zemalja u kojima pravni okvir (kao i običajno pravo) garantuje jednaka prava žena na vlasništvo i/ili kontrolu nad zemljištem.

*FAO je agencija koja vodi podatke za ovaj indikator i razvio je metodologiju za izvještavanje u saradnji sa agencijama koje obezbjeđuju podatke i sa partnerima.*

### ZBOG ČEGA SE ZAKONSKI INDIKATOR O RODNOJ RAVNOPRAVNOSTI NALAZI U SFERI VLASNIŠTVA I KONTROLE NAD ZEMLJIŠTEM?


Uključivanjem indikatora 5.a.2 dolazi do izražaja činjenica da veća ravnopravnost u posjedovanju i kontroli nad zemljištem doprinosi ekonomskoj efikasnosti i ima pozitivne višestruke efekte za postizanje širokog dijapazona drugih COR, uključujući i smanjenje siromaštva (cilj 1), sigurnost hrane (cilj 2) i dobrobit za domaćinstva, zajednice i zemlje (ciljevi 3, 11 i 16, između ostalog).

# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE


## KOJE **ALATE** IMAMO NA RASPOLAGANJU ZA RODNO RAVNOPRAVAN POSJED NAD ZEMLJIŠTEM?



[Agenda za održivi razvoj do 2030](#)




[FAO i indikatori za COR: mjerenje učinka na postizanju agende za održivi razvoj do 2030.](#)




[Priručnik za izvještavanje o indikatoru 5.a.2 za COR](#)




[Alat za procjenu zakona](#)




[Dobrovoljne smjernice za odgovorno upravljanje posjedom nad zemljištem, ribnjacima i šumama u kontekstu nacionalne sigurnosti hrane](#)



[Upravljanje zemljištem za žene i muškarce](#)  
[Tehnički priručnik za podršku postizanju odgovornog rodno ravnopravnog upravljanja posjedom nad zemljištem](#)



[Kreiranje sistema za evidentiranje prava posjeda i prvi upis](#)




[Odgovorno upravljanje vlasništvom i zakon](#)  
[Priručnik za advokate i druge pružaoce pravnih usluga](#)



[Poboljšavanje načina upisa prava posjeda](#)



[FAO baza podataka o rodnom pitanjima i pravima nad zemljištem](#)



[Smjernice za jačanje rodne ravnopravnosti u javnobilježničkim postupcima – Jugoistočna Evropa](#)

Regionalne smjernice za jačanje rodne ravnopravnosti u javnobilježničkim postupcima nude brze i jednostavne korake i kontrolne liste kao pomoć javnim bilježnicima u vođenju dužne pažnje u uslugama koje pružaju u skladu sa zakonom kroz identifikovanje i zaštitu prava svih žena i ćerki koje imaju pravni interes u datoj usluzi. Takođe, pružaju dodatne informacije za javne bilježnike koji žele da unaprijede svoje znanje i razumijevanje o tome kako usluge koje oni pružaju utiču na rodna pitanja i savjete kako da se uključe u zagovaranje.

## USKORO

- Regionalne smjernice za jačanje rodne ravnopravnosti u službama za upis prava u Jugoistočnoj Evropi
- Nacionalne obuke za sprovođenje regionalnih smjernica za jačanje rodne ravnopravnosti u javnobilježničkim postupcima i praksama upisa prava u Jugoistočnoj Evropi



# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

## POSTUPAK I METODOLOGIJA IZVJEŠTAVANJA ZA INDIKATOR 5.A.2 ZA COR

### POSTUPAK IZVJEŠTAVANJA



Eksperti za pravna pitanja iz relevantnih nacionalnih institucija pregledaju sve postojeće zakonske odredbe, kako bi utvrdili postojanje šest pokazatelja koji se smatraju međunarodnom dobrom praksom u garantovanju rodne ravnopravnosti u vlasništvu i kontroli nad zemljištem.

### ŠEST POKAZATELJA OBUHVATAJU:

#### POKAZATELJ A

Zajednički upis zemljišta je obavezan ili se podstiče pomoću ekonomskih podsticaja za bračne ili nevjenčane partnere.

#### POKAZATELJ C

Jednaka prava nasljeđivanja za žene i djevojke.

#### POKAZATELJ E

Zaštita prava žena na zemljište u kontekstima gdje zakon eksplicitno prihvata običajno pravo.

#### POKAZATELJ B

Saglasnost supružnika za transakcije zemljišta.

#### POKAZATELJ D

Alokacija finansijskih resursa za povećanje vlasništva i kontrole nad zemljištem od strane žena.

#### POKAZATELJ F

Obavezne kvote za učešće žena u institucijama za upravljanje zemljištem i zemljišnu administraciju.

Kao agencija koja vodi podatke, FAO obračunava rezultate i izračunava procent zemalja u kojima je ostvaren napredak u pravnom okviru (što podrazumijeva i običajno pravo) kojim se garantiraju jednaka prava žena u vlasništvu i/ili kontroli nad zemljištem. Metodologiju je usvojila Međuagencijska i ekspertna grupa za indikatore COR (IAEG-SDGs) u novembru 2017. godine, a indikator je podignut na II NIVO.

# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE



## REGIONALNA INICIJATIVA NA ZAPADNOM BALKANU

Regionalna inicijativa na Zapadnom Balkanu se bavi izazovima koji se javljaju u vezi sa pristupom žena vlasništvu i kontroli nad zemljištem. Na Zapadnom Balkanu su formirani multidisciplinarni rodni timovi koji u sastavu imaju stručnjaka za zemljišnu administraciju, donosioca politike u vladi, stručnjaka za rodna pitanja, predstavnika lokalnih NVO i javnih bilježnika, u cilju pružanja podrške postupku jačanja rodne ravnopravnosti i socijalne inkluzije u stvarnim pravima.

Podaci sa rodnom podjelom koje su prikupile sve zemlje 2013. godine su ukazali na nizak nivo vlasništva nad zemljištem u rukama žena. Vlade u ovom regionu su bile iznenađene činjenicom da je vlasništvo žena nad zemljištem na nekim mjestima svega tri procenta, a u većini slučajeva ne više od 30 procenata.

## PARTNERSTVA I REZULTATI

Od 2015. godine i usvajanja Agende 2030, njemačka organizacija za međunarodnu saradnju (GIZ) je u ime njemačkog Federalnog Ministarstva za ekonomsku saradnju i razvoj (BMZ), FAO i Međunarodne unije javnih bilježnika (UINL) fokusirala svoje napore na dva primarna cilja:

- 1 omogućavanje izvještavanja i praćenja po zemljama za indikator 5.a.2 za COR o rodnoj ravnopravnosti u vlasništvu i kontroli nad zemljištem;**
- 2 pružanje doprinosa u implementaciji indikatora 5.a.2 za COR kroz saradnju sa lokalnim zastupnicima promjena.**

**Za cilj 1,** rezultati zakonskih procjena koje su sprovedene tokom 2015-2016. godine su ažurirani početkom 2020. godine u cilju podrške novoj rundi izvještavanja o COR. Ove procjene su sprovedene pomoću Alata za zakonsku procjenu (LAT) FAO-a za rodno ravnopravan posjed nad zemljištem, koji je posebno razvijen tako da implementira Dobrovoljne smjernice za odgovorno upravljanje posjedom nad zemljištem, ribnjacima i šumama u kontekstu nacionalne sigurnosti hrane (VGGT) i njihov princip rodne ravnopravnosti i da omogući nacionalno izvještavanje po indikatoru 5.a.2 za COR. VGGT je usvojen 2012. godine od strane Komiteta za svjetsku bezbjednost hrane (CFS), dajući legitimitet i ovlaštenja svojim preporukama politike. Primjena LAT-a je pomogla u identifikaciji nekih od pravnih i tehničkih prepreka za pristup vlasništvu nad zemljištem za žene i bacila svjetlo na neke od izazova u implementaciji.

**Za cilj 2,** FAO i GIZ su formirali partnerstvo sa UINL radi identifikacije potrebnih kapaciteta za javne bilježnike i službe za upis prava u regionu i radi pružanja pomoći u premošćavanju jaza u implementaciji koji je identifikovan u okviru cilja 1. Organizovana je radionica na kojoj su okupljeni predstavnici ministarstava pravde iz regiona, javnih bilježnika i službi za upis prava. Ovaj forum je omogućio da lokalni stručnjaci iz prakse razmijene iskustva, izazove i rješenja i pomogao da razvojni partneri pruže integrisanu i ciljnu usmjerenu podršku, koja je ukorijenjena u lokalnoj realnosti, a sve u cilju implementacije VGGT i COR 5.a.2. Ova saradnja je dovela do objavljivanja „Smjernica za jačanje rodne ravnopravnosti u javnobilježničkim postupcima – Jugoistočna Evropa“. FAO, GIZ i UINL sada pružaju podršku u adaptaciji ovih smjernica po državama, radi njihovog usklađivanja sa nacionalnim pravnim okvirima i specifičnostima svake zemlje.



# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

**ALAT ZA  
ZAKONSKU  
PROCIJENU (LAT)  
OBUHVATA ŠEST  
POKAZATELJA  
ZA COR I PODSTIČE  
ZEMLJE DA  
PRIORITETIZUJU  
ZAKONSKE  
REFORME KOJE  
SU NEOPHODNE  
ZA POSTIZANJE  
RODNE  
RAVNOPRAVNOSTI.**

## POSTUPAK IZVJEŠTAVANJA O INDIKATORU 5.A.2 ZA COR NA ZAPADNOM BALKANU

### NA NIVOU ZEMLJE

Indikator 5.a.2 se zasniva na Alatu za zakonsku procjenu (LAT) FAO-a za rodno ravnopravan posjed nad zemljištem. LAT obuhvata procjenu nivoa do kojeg politički i pravni okvir jedne zemlje podržava rodno ravnopravne aranžmane za posjedovanje zemljišta testiranjem tog okvira u odnosu na 26 indikatora koji su utvrđeni međunarodnim konsenzusom, a naročito Konvencijom o eliminisanju svih oblika diskriminacije žena (CEDAW) i međunarodno usvojenim dobrim praksama, kao što je VGGT.

LAT obuhvata šest pokazatelja COR i omogućava zemljama da planiraju, utvrđuju prioritete i sprovedu pravne reforme koje su neophodne za postizanje rodne ravnopravnosti kako u zakonima, tako i u praksi. Iako to nije obaveza u procesu izvještavanja o indikatoru 5.a.2 za COR, zemlje zapadnog Balkana su primijenile LAT kao prvi korak u izvještavanju o COR, radi praćenja napretka na postizanju rodne ravnopravnosti u vlasništvu i kontroli nad zemljištem i identifikacije oblasti u kojima su potrebne dalje reforme.

### NA REGIONALNOM NIVOU

Na regionalnom nivou, zemlje su razmijenile rezultate procjene indikatora 5.a.2 za COR i LAT putem regionalnih sastanaka i zajedničkih publikacija. Ovo je pomoglo u uspostavljanju i održavanju podrške za zakonsku i administrativnu reformu i za druge napore koje će svaka zemlja preduzimati.

Procjena indikatora 5.a.2 za COR i LAT pomažu zemljama da identifikuju sličnosti i podjele najbolje prakse, kao i da uče iz iskustava svojih susjeda.



# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

## PODRŠKA ZA AGENDU 2030

### Indikator 5.a.2 za COR

FAO, Njemačka razvojna saradnja, UINL, Ekonomska komisija Ujedinjenih nacija za Evropu (UNECE), Grupa Svjetske banke i drugi razvojni partneri pružaju podršku regionu Zapadnog Balkana u jačanju rodne ravnopravnosti u vlasništvu i kontroli nad zemljištem i pružanju doprinosa za implementaciju i izvještavanje o indikatoru 5.a.2 za COR.

## PRIČE JAVNIH BILJEŽNIKA

Javni bilježnici u regionu su identifikovali slučajeve u kojima su žene gubile vlasništvo nad zemljištem, bilo usljed manjkavosti zakonske regulative ili standardizovanih procedura u zakonodavnim tijelima, bilo zbog opstanka diskriminatornih običaja. U velikom broju slučajeva, žene se odriču svojih stvarnih prava usljed društvenih pritisaka, a u nekim situacijama i usljed uvjerenja da nemaju pravo da budu vlasnici zemljišta.

## NAREDNI KORACI

U okviru Otvorenog regionalnog fonda za zakonsku reformu GIZ-a, Njemačka razvojna saradnja nastavlja da pruža podršku ministarstvima pravde, javnobilježničkim komorama i službama za upis prava u Jugoistočnoj Evropi u implementaciji zakonskog okvira za ekonomsko osnaživanje žena. To se čini kako bi se javnim bilježnicima omogućilo da uzmu u obzir prava žena u prekograničnim transakcijama i da primjenjuju rodnu ravnopravnost u svakodnevnom radu i službi za upis prava kroz tehničku podršku, regionalnu razmjenu, razvoj kapaciteta i podizanje svijesti.



Radionica za validaciju unapređenja rodne ravnopravnosti u smjeru COR 5.a.2 na Zapadnom Balkanu, 14. septembar 2018. godine, Rim, Italija

UINL je posvećena preuzimanju ključne uloge u postizanju podcilja 5.a.2. U okviru Memoranduma o razumijevanju između FAO i UINL, koji je zaključen 8. januara 2016. godine, UINL pruža tehničku podršku nacionalnom usvajanju Regionalnih smjernica za jačanje rodne ravnopravnosti u javnobilježničkim postupcima. Pored toga, UINL razvija nove VGGT tehničke smjernice o ulozi javnih bilježnika u pružanju podrške za sprovođenje Dobrovoljnih smjernica za odgovorno upravljanje posjedom.

FAO multidisciplinarni tim je posvećen pružanju podrške zemljama u praćenju i procjeni napretka po indikatoru 5.a.2 za COR, između ostalog kroz podršku saradnji na međuregionalnom nivou i razmjeni znanja između različitih regiona.



Lansiranje projekta GIZ-a „Jačanje ekonomskog osnaživanja žena“, novembar 2019. godine, Tirana, Albanija



# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

## REZULTATI LAT INDIKATORA/POKAZATELJA COR NA ZAPADNOM BALKANU

U januaru 2020. godine je ponovo obavljena LAT procjena, u skladu sa zvaničnom metodologijom koja se koristi za izvještavanje po COR za indikator 5.a.2.

LAT INDIKATOR	ALBA-NIJA	BIH	SRBJA	SJEV. MAKE-DONIJA	CRNA GORA	KO-SOVO*	LAT METODOLOGIJA
18(a) Zajednički upis zemljišta je obavezan ili se podstiče za bračne partnere	3	0	2	2	2	3	0 Pokazatelj ne postoji
18(b) Zajednički upis zemljišta je obavezan ili se podstiče za vanbračne zajednice	0	0	2	2	2	2	0.5 Pokazatelj u razvoju koji obuhvata ovo
17(a) Saglasnost supružnika je neophodna za transakcije zemljišta	2	0	2	2	2	3	1.5 Pokazatelj uspostavljen koji obuhvata ovo
17(b) Saglasnost partnera je neophodna za transakcije zemljišta	0	0	2	2	2	3	1.5 Pokazatelj uspostavljen koji obuhvata ovo
20(a) Jednaka prava udovica i udovaca odnosno partnera na udio u imovini supružnika	2	2	2	2	2	2	1 Politika uspostavljena koja obuhvata pokazatelj
21(a) Jednaka prava udovica i udovaca na doživotno pravo korišćenja porodičnog doma	0	0	0	0	0	2	1.5 Nacrt zakonske regulative (zakon i sl) koja adrži pokazatelj
22(a) Jednaka prava nasljeđivanja za sinove i ćerke	2	2	2	2	2	2	2 Pokazatelj postoji u primarnom zakonu
22(b) Jednaki udjeli u nasljeđivanju za sinove i ćerke	2	2	2	2	2	2	2 Pokazatelj postoji u sekundarnoj regulativi
9 Alocirani su finansijski resursi za povećanje vlasništva i kontrole nad zemljištem od strane žena	1	1	0	0	0	0	3 Pokazatelj postoji u sekundarnoj regulativi
10 Utvrđene su kvote za učešće žena u institucijama za upravljanje zemljištem i zemljišnu administraciju	2	2	2	0	0	0	NP Pokazatelj nije primenljiv

\*Pominjanje Kosova vrši se u skladu sa Rezolucijom 1244 (1999) Savjeta bezbjednosti UN-a

## PREGLED REZULTATA UPITNIKA ZA IZVJEŠTAVANJE O COR 5.A.2 U SRBIJI (2020. GODINA)

POKAZATELJ A	Zajednički upis	Prisutan
POKAZATELJ B	Saglasnost supružnika	Prisutan
POKAZATELJ C	Nasljeđivanje	Prisutan
POKAZATELJ D	Alokacija sredstava	Nije prisutan
POKAZATELJ E	Običajni sistemi za posjed nad zemljištem	NP
POKAZATELJ F	Kvota	Prisutan

Visoki nivoi garancija rodne ravnopravnosti u vlasništvu i/ili kontroli nad zemljištem u zakonskom okviru.

Ukupan broj pokazatelja koji postoje u pravnom okviru:

- nijedan
  jedan
  dva
  tri
  četiri
  pet
  šest

# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

## OPŠTE PREPORUKE

Pratiti napredak koji je ostvaren od posljednjih procjena i izvještavanja o COR i pripremati se za sljedeću rundu izvještavanja o COR.

Uvesti digitalne veze registara radi pojednostavljivanja rada i koordinacije između javnih bilježnika i službi za upis prava.

Izmijeniti zakonsku regulativu kako bi se obezbijedilo pravo udovca ili udovice na doživotno korišćenje porodičnog doma.

U zemljama u kojima zakon generiše stvarna prava i obaveze vanbračnih partnera, omogućiti identifikaciju i upis takvih prava.

Podržati mjerenje i sprovođenje indikatora 5.a.1 za COR kako bi se omogućilo da katastri nepokretnosti prikupljaju podatke o vlasnicima i drugim nosiocima prava sa rodnom podjelom.

Nacionalne javnobilježničke komore trebalo bi formalno da usvoje smjernice date u nacionalnim priložima „Regionalnih smjernica za jačanje rodne ravnopravnosti u javnobilježničkim postupcima“ kako bi se razjasnile obaveze javnih bilježnika u vezi sa rodnom ravnopravnošću i harmonizovalo postupanje po javnobilježničkim kancelarijama.





# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

## DOBRE PRAKSE NA ZAPADNOM BALKANU

- **Podaci sa rodnom podjelom se generišu iz IT sistema za upis prava i katastar** na Zapadnom Balkanu.
- **Saglasnost supružnika je obavezna** za bilo koju transakciju koja podrazumijeva bračnu imovinu – supružnici upravljaju i raspolazu bračnom imovinom zajednički i saglasno u Albaniji, Srbiji, Sjevernoj Makedoniji, Crnoj Gori i na *Kosovu\**.
- **Uobičajeni režim za nepokretnost stečenu tokom zakonski formirane sporazumne zajednice (vanbračne zajednice) je suvlasništvo ili zajedničko vlasništvo** u Bosni i Hercegovini, Crnoj Gori, Srbiji, Sjevernoj Makedoniji i na *Kosovu\**.
- **Zajednički upis zemljišta u zajedničkom vlasništvu bračnih parova je obavezan ili se podstiče ekonomskim podsticajima** u Albaniji, Crnoj Gori, Sjevernoj Makedoniji i Srbiji.
- **Pojednostavljeni postupak za upis oba supružnika (zajedničko vlasništvo) po službenoj dužnosti** na osnovu izvoda iz matične knjige vjenčanih i izjave oba supružnika za naknadni upis neupisanog supružnika za nepokretnosti stečene tokom braka u Srbiji od 8. juna 2018. godine.
- **Smanjenje naknade za upis prava je uvedeno u Srbiji** kroz podsticajnu taksu u iznosu od 3 EUR, u cilju podsticanja povećanja vlasništva i kontrole nad zemljištem od strane žena, u slučajevima kada su oba supružnika/partnera upisana kao suvlasnici nepokretnosti i za upis vlasništva za lica sa invaliditetima (Zakon o republičkim administrativnim taksama u Srbiji).
- **Imenovana je institucija koja će voditi izvještavanje** o indikatoru 5.a.2 za COR u Sjevernoj Makedoniji i Srbiji.
- **Mobilni centri za upis su uspostavljeni** u Srbiji i Bosni i Hercegovini – Republici Srpskoj.
- **U Albaniji, Zakon 1111/2018 „o katastru“ propisuje obavezan zajednički upis bračne imovine.** Nakon njega je usvojena Uredba br. 1150 od 3. juna 2019. godine kojom se propisuje postupak za ispravljanje podataka u evidencijama nepokretnosti koji se odnosi na odgovarajući udio u vlasništvu supružnika kada je cjelokupno vlasništvo bilo upisano u korist samo jednog supružnika.
- **Javni bilježnici i Agencija za katastar nepokretnosti organizuju otvorene dane za pružanje besplatne pravne i stručne pomoći građanima** u Sjevernoj Makedoniji.
- **Matične knjige i registri nepokretnosti su interoperabilni**, što omogućava postupke nasljeđivanja i prenosa prava u Srbiji, Albaniji i na *Kosovu\**. Ovo je planirano i u Bosni i Hercegovini.
- **Projekt je podigao svijest** o koristima od upisa oba supružnika na Zapadnom Balkanu.
- **Uredba o izmjenama i dopunama uredbe o utvrđivanju nagrada i naknada za javne bilježnike u Bosni i Hercegovini, Republika Srpska**, propisuje popust na naknade javnih bilježnika kada supružnici stiču ili vrše prenos bračne nepokretnosti.
- **Kosovo\* je usvojilo Administrativnu instrukciju (GRK) br. 02/2020 za upis zajedničke nepokretnosti na ime oba supružnika bez naknade.** Zajednički upis se podstiče na osnovu ekonomskih podsticaja na *Kosovu\** jer Agencija za katastar ne naplaćuje naknade za upis ako oba supružnika zatraže zajednički upis.

\*Pominjanje Kosova vrši se u skladu sa Rezolucijom 1244 (1999) Savjeta bezbjednosti UN-a



# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

## UTICAJ U BROJKAMA OD 2013. DO 2019. GODINE

### BOSNA I HERCEGOVINA, FEDERACIJA BOSNE I HERCEGOVINE 2013

26,84 % zapisa gdje  
su žene vlasnici ili  
suvlasnici


- 37,81% glavni grad Sarajevo (najviše)
- 20,17% opština Buzim (najmanje)



### BOSNA I HERCEGOVINA, FEDERACIJA BOSNE I HERCEGOVINE 2019

38,33% zapisa gdje  
su žene vlasnici ili  
suvlasnici



- 42,84% glavni grad Sarajevo (najviše)
- 20,23% opština Buzim (najmanje)



### BOSNA I HERCEGOVINA, REPUBLIKA SRPSKA, 2013

29,97% zapisa gdje  
su žene vlasnici ili  
suvlasnici



- 33,20% glavni grad Banja Luka (najviše)
- 19,46% opština Sokolac (najmanje)



### BOSNA I HERCEGOVINA, REPUBLIKA SRPSKA, 2019

33,83% zapisa gdje  
su žene vlasnici ili  
suvlasnici


- 34,58% glavni grad Banja Luka (najviše)
- 22,23% opština Trnovo (najmanje)



### KOSOVO\*, 2013

17,04% zapisa gdje  
su žene vlasnici ili  
suvlasnici


- 17,24% glavni grad Priština (najviše)
- 8% opština Glogoc (najmanje)



### KOSOVO\*, 2019

17,86% zapisa gdje  
su žene vlasnici ili  
suvlasnici

- 18,47% glavni grad Priština (najviše)
- 9,2% opština Mališeve (najmanje)



\*Pominjanje Kosova vrši se u skladu sa Rezolucijom 1244 (1999) Savjeta bezbjednosti UN-a



# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

## UTICAJ U BROJKAMA OD 2013. DO 2019. GODINE

### CRNA GORA, 2013

25.99% zapisa gdje su žene vlasnici ili suvlasnici

- 31% glavni grad Podgorica (najviše)
- 15% opština Rožaje



### CRNA GORA, 2019

32% zapisa gdje su žene vlasnici ili suvlasnici


- 37% glavni grad Podgorica (najviše)
- 24% severni dio (najmanje)



### SJEVERNA MAKEDONIJA, 2013

16.63% zapisa gdje su žene vlasnici ili suvlasnici


- 18% glavni grad Skoplje (najviše)
- 7% opština Poloska (najmanje)



### SJEVERNA MAKEDONIJA, 2019

27.27% zapisa gdje su žene vlasnici ili suvlasnici


- 34.01% glavni grad Skoplje (najviše)
- 13.96% opština Poloska (najmanje)



### SRBIJA, 2013

31.73% zapisa gdje su žene vlasnici ili suvlasnici


- 35.72% - Beograd
- 51.3% opština Stari Grad (najviše)
- 13.38% - opština Preševo



### SRBIJA, 2019

35.50% zapisa gdje su žene vlasnici ili suvlasnici

- 39.47% - Beograd
- 58.44% opština Ada (najviše)
- 14.73% - opština Preševo



# POSTIZANJE INDIKATORA 5.a.2 ZA COR NA ZAPADNOM BALKANU I ŠIRE

## DALJE OD ZAPADNOG BALKANA: ZAKONSKE PROCJENE U REGIONU JUŽNOG KAVKAZA

Početak 2019. godine vlade Azerbejdžana, Jermenije i Gruzije su iskazale zainteresovanost da sprovedu pregled svojih nacionalnih zakonskih okvira u odnosu na pokazatelje za indikator 5.a.2 za COR. Na osnovu ove uspješne saradnje na Zapadnom Balkanu, FAO i GIZ su proširili svoje partnerstvo na region Južnog Kavkaza kako bi omogućili izvještavanje o indikatoru 5.a.2 za COR.

### 1. Prezentacija LAT i metodologije za izvještavanje o COR za predstavnike nacionalnih institucija za zemljišnu administraciju i zavoda za statistiku koji učestvuju u podsticanju rodne ravnopravnosti i druge relevantne zainteresovane strane.

Ove radionice su pružile priliku da se procijeni napredak koji je ostvaren i koraci koje su vlade ovih zemalja preduzele na jačanju rodne ravnopravnosti, kako u zakonima, tako i u praksi. Iako su ove tri zemlje usvojile rodne strategije i pokrenule pravnu reformu, učesnici su identifikovali veći broj kulturoloških i administrativnih barijera koje još uvijek postoje na putu postizanja rodne ravnopravnosti u vlasništvu i kontroli nad zemljištem. Ove diskusije su pružile dobru osnovu za detaljnu analizu političkog i pravnog okvira u odnosu na pokazatelje za indikator 5.a.2 za COR i za podsticanje nacionalnih diskusija o političkim, administrativnim i zakonskim opcijama koje su dostupne za brže postizanje rodne ravnopravnosti u praksi.

### 2. U saradnji sa relevantnim nacionalnim institucijama, identifikacija timova nacionalnih pravnih eksperata sa iskustvom u oblasti stvarnih prava i ljudskih prava.

Ovi eksperti su prošli obuku za korišćenje alata i metodologija za procjenu, kako bi se obezbijedila konzistentnost u razmatranju nacionalnih pravnih okvira. Tokom perioda od 20 dana prikupili su sve relevantne instrumente kao što su politike, nacrti politika, zakoni, nacrti zakona i propisa i obavili skrining ovih dokumenata da bi utvrdili da li su pokazatelji integrisani u pravni okvir ili je integracija u toku kroz usvajanje političkih mjera ili zakonsku reformu. Rezultati procjena potvrđuju da iako neke garancije rodne ravnopravnosti u vlasništvu i/ili kontroli nad zemljištem postoje u zakonskom okviru, zemlje ovog regiona nastavljaju da rade na postizanju višeg nivoa garancija i na obezbjeđivanju da u praksi muškarci i žene imaju jednake koristi od zaštite njihovih stvarnih prava koje pruža zakon.

### 3. Prezentacija rezultata i validacija.

Rezultati su prezentovani početkom 2020. godine na nacionalnim radionicama u Azerbejdžanu i Gruziji. Nacionalna radionica koja je planirana u Jermeniji je odložena zbog pandemije COVID-19.



radionica u Azeriju



# PARTNERSTVA ZA RODNU RAVNOPRAVNOST U VLASNIŠTVU I KONTROLI NAD ZEMLJIŠTEM

## REZULTATI LAT-A

LAT INDIKATOR		Jermenija	Azerbejdžan	Gruzija
18(a)	Zajednički upis zemljišta je obavezan ili se podstiče za bračne partnere	0	0	0
18(b)	Zajednički upis zemljišta je obavezan ili se podstiče za vanbračne zajednice	0	0	0
17(a)	Saglasnost supružnika je neophodna za transakcije zemljišta	2	2	0
17(b)	Saglasnost partnera je neophodna za transakcije zemljišta	0	0	0
20(a)	Jednaka prava udovica i udovaca odnosno partnera na udio u imovini supružnika	2	2	2
21(a)	Jednaka prava udovica i udovaca na doživotno pravo korišćenja porodičnog doma	2	0	0
22(a)	Jednaka prava nasljeđivanja za sinove i ćerke	2	2	2
22(b)	Jednaki udjeli u nasljeđivanju za sinove i ćerke	2	2	2
9	Alocirani su finansijski resursi za povećanje vlasništva i kontrole nad zemljištem od strane žena	0	0	0
10	Utvrđene su kvote za učešće žena u institucijama za uzpravljanje zemljištem i zemljišnu administraciju	0	0	0

### LAT METODOLOGIJA

- 0 Pokazatelj ne postoji
- 0.5 Pokazatelj u razvoju koji obuhvata ovo
- 1.5 Pokazatelj uspostavljen koji obuhvata ovo
- 1 Politika uspostavljena koja obuhvata pokazatelj
- 1.5 Nacrt zakonske regulative (zakon i sl.) koja sadrži pokazatelj
- 2 Pokazatelj postoji u primarnom zakonu
- 3 Pokazatelj postoji u sekundarnoj regulativi
- NP Pokazatelj nije primenljiv



# POSTIZANJE INDIKATORA 5.A.2 ZA COR NA ZAPADNOM BALKANU I ŠIRE

PARTNERSTVA ZA RODNU  
RAVNOPRAVNOST U  
VLASNIŠTVU I KONTROLI  
NAD ZEMLJIŠTEM

**2020. GODINE**

Nazivi i prezentacija sadržaja u ovoj publikaciji ne impliciraju iskazivanje bilo kojeg mišljenja u ime Organizacije za hranu i poljoprivredu Ujedinjenih nacija u vezi s pravnim statusom bilo koje zemlje, teritorije, grada ili oblasti ili njegovih institucija ili u vezi s razgraničavanjem ili utvrđivanjem granica. Isprekidane linije na kartama predstavljaju približne granične linije za koje možda još ne postoji potpuna saglasnost.